

Pwúúng Fáánitan Epwe Tongeni Ánea (Senate Bill 1098): Ekkewe Sókun Kapas Eis Napengeni Aramas Ra Eáni Kapas Eis

Tettenin Masowen Nón Eei Pwuk

1. Met ewe Óruwen Kinikin iká Section 2 nón ewe Pwúúng Fáánitan Epwe Tongeni Ánea (Senate Bill 1098 (2025)) epwe fééri?.....3
2. Ién ewe aramas epwe wisen finí met kewe masowen nón ewe library?3
3. Ifa esin nikinikin ekkewe class ra nómw fáán túmwún iká (protected) me nón ewe fénú Oregon?3
4. Met kewe “pisekin nón library”?3
5. Meta “kewe library nón classroom” pwan “kewe library nón ewe sukuun”?4
6. Mi wor manamanen ewe annúk ngeni library masowen ekkewe sukuun mi chater eán mwuun?4
7. Mi wor manamanen ewe annúk fáániten ekkewe emwiicheichen aramas iir mi kan riiri ngeni ekkewe sukuunen mwuun?4
8. Inet chék epwene tongeni káimwunó ekkewe pisekin nón ewe library ussun fáánitan epwene wor ekiek sefáán iká repwe nónnómw iká repwe káimwu?4
9. Met ei reconsideration committee me ien epwe tufichin chóni ew?.....4
10. Mi tongeni eán emén méénún ewe board eán ewe sukuun epwe chék pwúsin tingór pwe ewe pisekin library epwe káimwunó inamwo iká rese méngúúngú fáániten wisen ewe pwe pwúsin seni neetipan.5
11. Inet ra tongeni káimwunó ekkewe pisekin library?.....5
12. Epwe ifa ussun nikinikin eán ewe méénún ewe committee repwe wisen memmeef wóón met pisekin ewe library epwe nónnómw iká káimwunó repwe makkei taropwen eán epwe káimwunó ekkewe pisekin nón library?5
13. Mi pwan wor ekkóóch annúk repwe ussun eei Óruwan Kinikin iká Section 2 me nón ewe Pwúúng eán epwe Tongeni Ánea (Senate Bill 1098 (2025))?5
14. Nge met epwe fis iká pwún pisekin nón ewe library ra kefin, kanómweti, iká káimwunó anóngónóng wóón eár nifinifin?6
15. Inet atun ewe Putáin Sukuun nón ewe fénú Oregon iká Department of Education (ODE) epwe tongeni etiwa ekkewe kapasen ótuttur?6
16. Fáániten tettenin eán ODE epwe etiwa epwe wor ewe arongorong, ifa ussun eán emén aramas epwe wanong eán kapasen ótuttur iká pwún mi meefi nge mi wor nikinikin nifinifin ngeni?7
17. Mwúrin eán aa etiwa ewe arongorong, epwene ifan ussun eán ewe ODE epwene chosaani ewe osukosuk?.....7
18. Nge iká pwún ODE aa kúna nge ewe sukuunen mwuun aa atai ewe annúk?.....7
19. Nge iká pwún ekkewe sukuunen mwuun resapw épwénúwetá met kewe aa kapwúngúnó seni ODE pwe repwe fééri pwún epwe épwúngú ewe nikinikingaw?7

20. Met ewe Awonuuwan Kinikin iká Section 6 me nón ewe Pwúúng eán epwe Tongeni Áñnea (Senate Bill (2025)) epwe fééri?7
21. Met ewe Efiuuwan Kinikin iká Section 7 me nón ewe Pwúúng eán epwe Tongeni Áñnea (Senate Bill (2025)) epwe fééri?8
22. Nge iká pwún ewe school district iká ekkóóch aramas repwe atai ekkewe annúk mi pesepes nón Section 6 iká 7 me nón ewe Senate Bill 1098 (2025)?8
23. Eei annúk mi mwutaatá epwe kamé pisekin library, pwuken sukuun iká textbook, pisekin óssukuun, pwan pisekin óssukuun eán ekkewe peekin ánninnis mi kawor fáániten ekkewe namanam?.....9
24. Nge ifa ussun eán ewe annúk epwe pesei ach sipwe afóna ekkewe namanam ussun mi weewe ngeni eew ekkewe protected class?9

1. Met ewe Óruwen Kinikin iká Section 2 nón ewe Pwúúng Fáánitan Epwe Tongeni Ánnea (Senate Bill 1098 (2025)) epwe fééri?

Fáán núrún pechékúnnen ewe [Óruwen Kinikin nón ewe Senate Bill 1098 \(2025\)](#) , aa kawor ekkóóch code fáánitan nón ewe ORS 337.277:

- Ién kewe chóón angaangen library resapw pinei menni sókkun pisekin library repwe fini ika isóni nón ewe library anóngónóng met makkan masowan nón ekkewe pwuk iká fóósun nón nge repwe pesei ekkóóch memmeef, peekin káé, iká pwokiten makkeian ekkewe aramas iir chóón eew sókkun class; pwan
- Ién kewe chóón angaangen library rekan wisen fini met kewe masowen nón ewe library resapw áimwuweu ekkewe pisek, me núkún chék iká pwe ra nómw nón tettenin eár repwe ekkesiwini sefááni ekiekir iká repwe kanómw iká káimwú (katon FAQ #8).

2. Ién ewe aramas epwe wisen fini met kewe masowen nón ewe library?

Ewe aramas epwe wisen fini me anomwu met kewe masowen nón ewe library a pachenong ién mei wor an pwúngun finata nón ewe sukuunen mwuun ren menni pisekin masowan ewe library epwe finator ika anomwu Ekkeei aramas ra tongeni wewe ngeni ekkewe sense iir mi laisen (licensed) repwe wisen épwúngaanó kókkóótun met sókkun media epwe kawor nón ewe library áweewe ren ekkewe, ekkeei aramas ra wewe ngeni ekkewe administrator, sensen nón classroom, pwan ekkewe chóón angaang ra classified eár repwe angaang nón classroom me ewe library.

3. Ifa esin nikinikin ekkewe class ra nómw fáán túmwún iká (protected) me nón ewe fénú Oregon?

Fáán péchékkúnen annúkún mwuun ewe fénú Oregon, aa wor úkúúkún engon sókkun class ra nómw fáán túmwún. Ekkewe class ra nómw fáán túmwún ra wewe ngeni menni sókkun táppin aramas ka neoto seni (race), anúwen únúchchan (color), menni mwuu ra etto seni (national origin), iká emén mwáán iká feefin (sex), menni sókkun nein mwáán iká feefin aa pwomweni nikinikin pwún ii aa chóóni (sexual orientation), menni nein ika ii mwáán iká feefin (gender identity), ekkewe aramas mi wor tterin inisir, menni namanam ra chóóni, iká iir mi pwúpwúnú iká nipich, pwan fite ierir.

4. Met kewe “pisekin nón library”?

Ekkewe pisek ra wewe ngeni ekkewe pisekin káé ra makkei nón taropwe iká wóón computer ra túttúnapa eoch pwóróus iká (fictional) iká ekkewe makken ennetin pwóróusan iká uruwoni pwóróusan met aa fis me nómw iká (nonfictional). Ekkewe pisekin nón library ra wewe ngeni met kewe ra amasowa ngeni nón ekkewe classroom me library ren eán epwe ámecheresi ngeni ekkewe chóón sukuun eár repwe angeinó pwe repwe ánnea pwe epwe pesei met kewe ra éani nesenin káé. Ekkewe pisekin nón library rese kawor fáániten eár repwe ekkesiwin met kewe úrúúrún nesenin káé repwe eáni mi képwúngúnó seni méénún ewe board, ewe State Board of Education, iká ewe committee iká administrator chóón wisen finata menni pwuken sukuun chóón sukuun repwe néuni. Ekkewe pisekin nón library ra kawor ren eán epwe sópwei met kewe nesenin káé ra eáni pwe epwe ánisi eár peekin ánnea.

5. Meta “kewe library nón classroom” pwan “kewe library nón ewe sukuun”?

Óchufengeni kapasen áweewe ren ekkei ruu kapas, ra wewe ngeni ekkewe library ra nómw nón ekkewe classroom me nón ewe sukuunen mwuun fáániten chóón sukuun, epwe nómw nón eew-me-eew classroom, iká nón ekis tefan nón ewe sukuunen mwuun fáániten eew iká napeseni fitu ekkewe classroom, aa nómw nukanapen ewe kinikin, me ian kewe epwe tufich ngeni eew iká napeseni fitu mwiichen sukuun repwe tongeni áeá. Ekkewe library nón ewe sukuun aa wewe ngeni ekkewe pisekin nón library mi kawor fáániten peekin káé wóón computer

6. Mi wor manamanen ewe annúk ngeni library masowen ekkewe sukuun mi chater eán mwuun?

Úú. Eei annúk mi wor manamanen ngeni meínisin library nón ekkewe sukuun mwuun nón ewe fénú Oregon, pachenong ekkewe sukuun mwuun mi chater.

7. Mi wor manamanen ewe annúk fáániten ekkewe emwiicheichen aramas iir mi kan riiri ngeni ekkewe sukuunen mwuun?

Aapw. Ewe annúk aa chek fáán ásengessin ekkewe library nón ekkewe sukuunen mwuun nón ewe fénú Oregon.

8. Inet chék epwene tongeni káimwunó ekkewe pisekin nón ewe library ussun fáánitan epwene wor ekiek sefáán iká repwe nónnómw iká repwe káimwu?

Ekkewe pisekin nón ewe library repwe tongeni káimwunó seni ién kewe resapw chóón wisan kefin reni menni epwe nónnómw pwan menni epwe káimwunó iká pwún repwe épwénúwetá ekkewe mettóóch aa makketiw faan:

- Iká pwún aa wor tingór fáániteer eár repwe káimwunó;
- Iká ewe chóón tingór ii emén inenap iká semenap ngeni ewe chóón sukuun iká ii chóón angaangen ewe sukuun;
- Ewe tingór epwe makketiw nón taropwe;
- Ewe tingór epwe tonong ngeni méénún ewe committee ra kefinitá seni ewe sukuunen mwuun iká ewe district, iir repwe wisen nengeni sefááni tufichin eán epwe nónnómw iká káimwunó;
- Ekkewe pisek repwe nómw wóón circulation nón unusen ewe faansoun repwe nennegeni sefááni iká repwe nónnómw iká káimwunó;
- Káimwunóón ekkewe pisekin library epwe pwénúwetá iká resapw ataienó ekkewe memmeef, peekin sukuun, iká makkeian ewe aramas iká emwiicheichan aramas iir chóón ewe protected class; pwan
- Ekkewe ménún ewe committee repwe wisen nennengeni iká repwe nónnómw iká káimwunó repwe makkei áweewen pwopwun eár repwe káimwunó.

9. Met ei reconsideration committee me ien epwe tufichin chóni ew?

Méénún ewe committee repwe wisen nengeni iká ekkewe pisekin library nónnómw iká káimwunó repwe kefinitá seni ewe sukuunen mwuun iká ewe school district pwún iir repwe wisen épwúngaanó met sókkun napanap epwe fis nupwen epwe wor kapasen ótuttur fáániten met masowen ewe library epwe: menni repwe nónnómw, menni epwe aúkúúk inet ewe sukuun epwe tongeni áeá, iká áimwuwunó. Úrúúrún epwe wor tettenin met epwe fis akkomw pwan tapweto, eán eew me eew ekkewe sukuunen mwuun iká eán ewe school

district fáániten kefinin méénún ewe committee repwe wisen nennengeni ekkewe pisekin library ren menni repwe nónnómw iká káimwunó, nge meinsin memmeef epwe anóngónóng wóón meefian méénún ewe board nón ewe sukuun iká ekkewe chóón nemeni ewe sukuunen mwuun.

10. Mi tongeni eán emén méénún ewe board eán ewe sukuun epwe chék pwúsin tingór pwe ewe pisekin library epwe káimwunó inamwo iká rese méngúngú fáániten wisen ewe pwe pwúsin seni neetipan.

Úú. Ekkewe inenap me semenap iká chóón angaangen ewe sukuun iir mi chóóni méénún ewe board nón ewe sukuun iir mi tongeni pwúsin wanong eár tingór eán epwe káimwunó ekkewe pisekin library iká repwe túmwúnúúw fáánitan iir inenap me semenap iká chóón angaangen ewe sukuun nge esapw fáániten péchékkúnen wiseer kewe.

11. Inet ra tongeni káimwunó ekkewe pisekin library?

Epwaapw tongeni káimwunó ekkewe pisekin library mwúrin eán méénún ewe committee repwe kan nengeni met kewe repwe nónnómw me met repwe káimwu repwe pwúsin makkei meefier ewe nón taropwe. Meinsin pisekin nón library repwe isóis ren ewe circulation nupwen méénún ewe committee repwe fééri eár angaang.

12. Epwe ifa ussun nikinikin eán ewe méénún ewe committee repwe wisen memmeef wóón met pisekin ewe library epwe nónnómw iká káimwunó repwe makkei taropwen eán epwe káimwunó ekkewe pisekin nón library?

Ekkewe ekkóóch nikinikin ifa ussun eán epwe mmak ewe taropween áweewe epwe ikkeei ussun:

- Epwe pachetá ewe áweewe wóón ewe website eán ewe sukuunen mwuun iká eán ewe school district.
- Epwe makkei ewe áweewe nón chéén taropwe eán epwe pachetá wóón neeni, áweewe ren bulletin board ikewe ian napengeni rekan pwan pachetá néúr taropween esinesin.
- Pachetá ewe áweewe wóón asaman tonong iká órun ekkewe neenian tonong nón ewe sukuun iká ewe library nón ewe sukuun.
- Makkei ewe áweewe nón email ngeni inenap me semenap me ekkewe siwinin inenap me semenap chóón túmwún nón ewe sukuun.

Meinsin taropwen esinesin epwe mmak nón sakkopaaten kapasen fénúwen ekkewe chóón sukuun epwe pwan kawor sókkun nikinik epwe mecheres ngeni ekkewe sakkopaten aramas mi tter.

13. Mi pwan wor ekkóóch annúk repwe ussun eei Óruwan Kinikin iká Section 2 me nón ewe Pwúng eán epwe Tongeni Ánea (Senate Bill 1098 (2025))?

Úú. Fáán núrún annúkún ewe fénú Oregon fáánitan esapw wor nifinifin ngeni sakkopaaten aramas, [ORS 659.850](#), aa pinei eán esapw wor nifinifin ngeni ién ewe aramas mi weewe ngeni eew masowen ewe protected class nón ekkewe sukuunen mwuun. Pwokiten ena annúk, nifinifin aa weewe ngeni “sakkopaaten nikinik epwe nifinifin pwokiten mi sókkonó” pwokiten ién ewe aramas mi weewe ngeni eew masowen ewe protected class. Núpwen esapw wor mwumwutá iká nupwe epwe káimwunó pisekin library pwokiten masowan nge mi weewe ngeni ekkewe protected class, iká pwokiten makkeian emén aramas mi weewe ngeni eew ekkewe protected class, eei nikinik aa weewe ngeni eán emén nifinifin pwokiten ewe aramas ii seni ew ekkewe protected class.

14. Nge met epwe fis iká pwún pisekin nón ewe library ra kefin, kanómweti, iká káimwunó anóngónóng wóón eár nifinifin?

Fáán núrún péchékkúnen OAR 581-022-2370, aa pesei ngeni aramas eár repwe wanong eár kapasen ótuttur ngeni ewe school district nón nikinikin eán ewe school district etiwa sakkopaaten kapasen ótuttur iká pwún:

- Ewe aramas aa nómw nón kinikinin ewe neeni.
- Ewe aramas nge ii emén inenap iká semenap iká ii chóón túmwún siwinin ewe inenap iká semenap ngeni ewe chóón sukuun nón ewe school district; iká
- Inamwo iká ewe aramas ese nómw nón ewe kinikinin neeni iká esapw pwan ii inenap iká semenap iká chóón túmwún siwinin ewe inenap iká semenap, nge repwe wato eár kapasen ótuttur pwokiten eán wor chóón nifinifin ngeni.

Iká pwún ewe sukuun esapw echiwa ewe osukosuk, ewe aramas aa tongeni feinnó ngeni ewe Pútáin Sukuun nón ewe fénú Oregon iká Oregon Department of Education (ODE). Ekkewe sukuunen mwuun rese nómw nón ewe school district ese wor nikinikin eár repwe angei ekkewe sókkun kapasen ótuttur. ODE epwe etiwa ekkewe kapasen ótuttur iká pwún ewe nikinikingaw aa ffis nón ekkewe sukuun (Katon FAQ #15).

15. Inet atun ewe Putáin Sukuun nón ewe fénú Oregon iká Department of Education (ODE) epwe tongeni etiwa ekkewe kapasen ótuttur?

Fáán núrún péchékkúnen OAR 581-075-0010, ODE epwaapw tongeni etiwa ewe kapasen ótuttur iká pwún mi weneiti eew me nein ekkeeí áweewe aa makketiw faan:

- Ewe sukuunen mwuun aa wau taropwe aa áweewei meefian ewe anóngónóng wóón nikinikin eán ewe sukuun echiwa ekkewe sókkun osukosuk iká kapasen ótuttur.
- Ewe sukuunen mwuun ese ápwénúwetá eán epwe echiwa/atawei ewe kapasen ótuttur nón úkúúkún 90 ráánin nón ewe maram mwúrin eán aa tori ewe kapasen ótuttur, me núkún chék iká aa wor etipeew nefinen ewe sukuun me ewe chóón wato eán kapasen ótuttur; iká
- Ewe sukuunen mwuun aa napeseni eew tettenin angaang epwe echiwa/atawei, nge ese épwénúwetá eán epwe pénúweni eán ewe aramas ewe kapasen ótuttur nón 30 ráánin nón ewe maram mwúrin eán aa katonong ewe kapasen ótuttur, iká ewe sukuun me ewe chóón wato eán kapasen ótuttur ra awora eár etipeew fengen nón taropwe pwe epwe manganó seni ewe kaúkún úrúúrún repwe ataweienó ewe osukosuk.

Iká ese wor tettenin angaang eán ewe sukuun ren ifa ussun epwe pénúweni ewe kapasen ótuttur, iwe ewe ODE epwene etiwa ewe arongorong wóón ekkeeí ruu itiitin:

- Ewe sukuunen mwuun aa fen pénúweni nón taropwe ewe aramas chóón wanong eán kapasen ótuttur; iká
- Ewe sukuunen mwuun ese épwénúwetá eán epwe echiwa/atawei ewe osukosuk nón kaúkún 90 ráánin nón ewe maram mwúrin eán aa tori ewe kapasen ótuttur, me núkún chék iká ewe sukuun me ewe aramas chóón wanong eán kapasen ótuttur ra etipeew nón taropwe pwún repwe angaanga ewe osukosuk nón eew faansoun mwúrin.

16. Fáániten tettenin eán ODE epwe etiwa epwe wor ewe arongorong, ifa ussun eán emén aramas epwe wanong eán kapasen ótuttur iká pwún mi meefi nge mi wor nikinikin nifinifin ngeni?

Fáán núrún annúkún mwúún ren [OAR 581-075-0001](#), ótuttur aa tongeni katonong nón taropwe iká kapas eán epwe ótuttur wóón met ewe nikinikingawen chóón angaangen ewe district, inamwo iká ese katonong nón nikinikin mi pesepes seni ewe sukuun. Ewe district epwe éuréúra ewe aramas chóón wanong eán kapasen ótuttur, esapw napenó seni 10 ráánin nón ewe maram mwúrin eán aa tori ewe kapasen ótuttur, iwe epwene angaanga eán epwe echiwa/atawei ewe kapasen ótuttur. Ewe district epwe wisen éuréúra ewe aramas chóón wanong eán kapasen ótuttur nón taropwe pwan awora makkei nón kapasen fénúwen ewe aramas chóón wanong eán kapasen ótuttur.

17. Mwúrin eán aa etiwa ewe arongorong, epwene ifan ussun eán ewe ODE epwene chosaani ewe osukosuk?

Óchufengen ekkewe ruu annúk, ren Section 2 me nón ewe Senate Bill 1098 (2025) me ORS 659.850 iwe ra pesei ngeni ODE pwún epwene chosaani met kewe pisekin nón library ra káimwunó pwokiten masoweer nge mi weewe ngeni eew ekkewe protected class, iká pwokiten aa mmak seni emén aramas nge ii choni eew ekkewe protected class. Ekkeei aa weewe ngeni eán epwe chosaani féfféérún ewe aramas aa wisen meefinaatá pwún epwe nónnómw iká káimwunó masowen nón ewe library, pwún epwe tongeni pwan wor eán méénún ewe committee repwe wisen ekiek sefáán wóón met kewe pisekin library epwe nónnómw iká káimwunó iká pwe epwe pwún epwe pwaráátá pwún ewe angaangen kefin nge mi wor nikinikin nifinifin nón.

18. Nge iká pwún ODE aa kúna nge ewe sukuunen mwuun aa atai ewe annúk?

Fáán núrún péchékkúnen ewe annúk [OAR 581-075-0024](#), ODE aa tongeni wau eán order ngeni ewe sukuunen mwuun pwún epwe mwúttir asééfé sefááni iká apwúngú sefááni ewe nikinikin nikinik ngeni me mi pwúng. Epwene eniwini sefááni met kewe pisekin nón library, ekkesiwin annúkún ewe library, nengeni sefááni tettenin angaang úrúúrún epwe fééri, epwe fiti ekkewe sakkopaaten training epwe fiti, epwe pwan wor ién epwe ósukuuna ngeni tettenin met angaang epwe fééri met epwe képwúngúnó meren ewe pútái, pwan ekkewe ekkóóch sakkopaaten nikinik epwe apwúngú ewe nikinikingaw ussun mi pesepes fáán núrún ekkewe annúkún mwuun. Fáán núrún péchékkúnen annúk mwuun ren [OAR 581-075-0030](#), epwene épwénúwetá ekkewe tettenin féfféér aa kapwúngúnó seni ODE pwún epwe épwúngú met kewe nikinikingaw aa fen ffis.

19. Nge iká pwún ekkewe sukuunen mwuun resapw épwénúwetá met kewe aa kapwúngúnó seni ODE pwe repwe fééri pwún epwe épwúngú ewe nikinikingaw?

Fáán núrún péchékkúnen ewe annúkún mwúún [OAR 581-075-0030](#), ODE mi tongeni pinei seni ewe sukuunen mwuun inetin Mwonien Sukuun seni ewe Fénú.

20. Met ewe Awonuuwan Kinikin iká Section 6 me nón ewe Pwúúng eán epwe Tongeni Ánea (Senate Bill (2025)) epwe fééri?

Fáán núrún péchékkúnen mwuun ren [Section 6 of Senate Bill 1098 \(2025\)](#), aa ekkesiwini [ORS 337.260](#), aa ewiisa ngeni ewe school board nón ewe district iká ewe committee iká ewe administrator eár repwe etiwa ekkewe ekkesiwini ekkewe nóngonóngun pisekin ossukuun iká (core instructional materials):

- Esapw pinei seni ekkóóch eár resapw áeá ekkewe pisekin ossukuun pwokiten mi pesei memmeef, peekin káé ngeni, aa kawor seni, emén aramas iká ewe emwiicheichan aramas ir chon ewe protected class; pwan
- Resapw pinei mwumwuutáán eán ekkewe pisekin óssukuun repwe áeá atun óssukuun pwokiten re pesei ekkewe sókkun memeeef, peekin káé ngeni iká túttúnapei pwóróusan, iká kawor seni, ewe aramas iká emwiicheichan aramas ra weewe ngeni ewe protected class.

Méénún ewe district school board iká méénún ewe committee iká ewe administrator resapw pinei ekkewe nóngonóngun pisekin ossukuun eán ekkóóch repwe áeá me núkún chék iká:

- Iir mi awora néúr taropween tingór eár repwe káimwunó pwe resapw nóngonóngun pisek óssukuun;
- Ewe aramas aa wanong eán tingór nge emén inenap iká semenap iká chóón túmwún siiwinin inenap iká semenap ngeni ewe chóón sukuun;
- Ewe tingór mi mmak nón taropwe;
- Ewe tingór aa katonong nge méénún ewe committee repwe wisen fináátá met pisekin library repwe nónnómw me met repwe káimwunó nón ewe sukuunen mwuun iká ewe school district;
- Ekkewe pisekin óssukuun mi chiwen nómw non circulation wewen mi chiwen tongeni paro ika nounou atunméénún ewe committee ra wisen finaata met pisekin library repwe nónnómw me menni repwe káimwunó;
- Iká repwe káimwunó nge esapw pwokiten ekkewe pisekin óssukuun mi pesei memmeef, iká káé ngeni iká túttúnapei, iká kawor seni, ewe aramas iká emwiicheichan aramas ra weewe ngeni eew ekkewe protected class; pwan
- Méénún ewe committee ra wisen nennengeni sefááni met kewe masowen óssukuun epwe káimwunó nge makkei nón taropwe áweewen pwata ra meefinaatá pwe repwe káimwunó.

21. Met ewe Efisuuwan Kinikin iká Section 7 me nón ewe Pwúúng eán epwe Tongeni Ánea (Senate Bill (2025)) epwe fééri?

Fáan núrún péchékkúnen annúkún mwuun ren [Section 7 of Senate Bill 1098 \(2025\)](#), aa ekkesiwini [ORS 336.082\(3\)](#), aa pesei ngeni ewe district school board iká ewe administrator iká aramas ese nifinin ién kewe ra wisen angaang wóón met kewe nesenin sukuun iká curriculum epwe kawor nón ekkewe sukuunen mwuun:

- Rese tongeni eár repwe pinei met kewe pisekin óssukuun pwokiten ewe pisekin óssukun mi pesei memmeef, káé ngeni iká túttúnapei, iká kawor seni, ewe aramas iká mwiicheichan aramas ra weewe ngeni eew ekkewe protected class; pwan
- Rese tongeni pinei eár repwe mwutaatá met kewe pisekin óssukun pwokiten mi pesei memmeef, káé ngeni iká túttúnapei, kawor seni, ewe aramas iká mwiicheichan aramas ra weewe ngeni eew ekkewe protected class.

22. Nge iká pwún ewe school district iká ekkóóch aramas repwe atai ekkewe annúk mi pesepes nón Section 6 iká 7 me nón ewe Senate Bill 1098 (2025)?

Ussun chék met aa fen affat me nón Section 2 me nón ewe Senate Bill 1098 (2025) epwe pwan ina chék met epwe pwan pesepes epwe ffis iká epwe wor ién epwe atai annúkún Section 6 me 7 (Katon FAQs #14–16).

Nóngónóngun met ODA epwe chosaani epwe kúttá iká p'wun ekkewe nóngónóngún pisekin óssukun iká ekkewe nesenin káé mi kawor seni ekkewe peekin ánnis iká program ra káimwúnó resapw pisekin óssukun pwokiten re óssukuuna met mi weewe ngeni ekkewe class, iká pwokiten ra kawor seni ewe aramas mi weewe ngeni ekkewe protected class.

23. Eei annúk mi mwutaatá epwe kamé pisekin library, pwuken sukuun iká textbook, pisekin óssukuun, pwan pisekin óssukuun eán ekkewe peekin ánnis mi kawor fáánten ekkewe namanam?

Aapw. Section 5 me nón Article 1 me nón ewe Chúnapien Annúkún ewe fénú Oregon aa pinei esapw mwumwuutá epwe kamé wóón mwonien mwuun fáánten ekkewe namanam. “Esapw wor mwoni epwe katou seni ewe Treasury fáánten epwe ótufichi ekkewe mwiicheichan namanam [sic], iká ewe sukuunen namanam, esapw pwan wor néúnéún mwonien mwuun epwe kawor fáánten sakkopaaten namanam [sic] ese pwan nifinifin menni nein ekkewe imwan Legislative Assembly.”

24. Nge ifa ussun eán ewe annúk epwe pesei ach sipwe afóna ekkewe namanam ussun mi weewe ngeni eew ekkewe protected class?

Iká pwún masowen nón library, pwuken sukuun iká textbook, pisekin óssukuun, iká pisekin óssukun fáánten ekkewe peekin ánnis ra kamé, kefinítá, kanómw, pwán áeá fáánten ekkóóch pwopwun nge esapw pwokiten epwe afanafana ussun eew namanam, iwe resapw káimwúnó pwokiten mi masoweni pwóróusan namanam.